

M. T. CICERONIS
EPISTOLARUM
AD VARRONEM, ET ALIOS.

L I B E R I X.

A R G U M E N T U M.

Adventum cupit Varronis, quod in ejus, librumque consuetudine omnem spem reposuerit lenientia doloris, quem ex afflita republica cupiebat.

M. T. C. M. Terentio Varroni S. D.

*E*x iis litteris, quas Atticus à te missas mihi legit, quid ageres, et ubi essem, cognovit: quandò autem te visuri essemus, nihil sanè ex eisdem litteris potui suspicari. In spem tamen venio, appropinquare tuum adventum: qui mihi utinam solatio sit. Etsi tot, tantisque rebus urgemur, ut nullam allevationem quisquam non stultissimus sperare debeat. Sed tamen, aut tu potes, me, aut ego te fortasse, aliqua te juvare. Scito enim, me, posteaquām in urbem venerim, rediisse cum veteribus amicis (id est, cum libris nostris) in gratiam. Etsi non idcirco eorum usum dimiseram, quod iis succenserem, sed quod eorum me suppedebat. Videbar enim mihi, cum me in res turbulentissimas, infidelissimis sociis, demisissem, præ-

L I B E R I X.

277

ceptis illorum non satis paruisse. Ignoscunt mihi, et revocant in consuetudinem pristinam: teque, quod in ea permanseris, sapientiorem, quam me, dicunt fuisse. Quamobrem, quandò placatis his utor, videor, sperare debere, si te viderim, et ea, quae premant, et ea, quae impendeant, me facile transiturum. Quamobrem, sive in Tusculano, sive in Cumano adesse placebit, sive (quod minimè velim) Romæ: dummodo simùl simus, perficiam profectò, ut id utrius nostrum commodissimum esse videatur. Vale.

A R G U M E N T U M.

Diutius retenta epistolæ causam exponit. Deinde suadet, sibique ita statutum affirmat, ut hominum frequentiam vitet, dum gratulatio ob africanæ victoriæ nuntium defervescat: suumque juvandæ quoquo modo reip. desiderium declarat.

M. T. C. Varroni S. D.

Caninius, idem tuus, et idem noster, cum ad me pervesperi venisset, et se postridiè manè ad te iturum esse dixisset; dixi, ei me daturum aliquid manè, et ut peteret, rogavi. Conscripti epistolam noctu, nec ille ad me rediit. Oblitum credidi. Attamen eam ipsam epistolam missem per meos, nisi audissem ex eodem, postridiè, te manè è Tusculano exiturum. At tibi repente paucis post diebus, cum minimè expectarem, venit ad me Caninius manè; proficiisci ad te statim, dixit. Etsi erat illa epistola, præsertim tantis posteà nobis, rebus allatis: tamen perite meam lucubrationem nolui, et eam ipsam Caninio dedi. Sed

cum eo, et homine docto, et amantissimo tui, locutus ea sum, quæ pertulisse illum ad te existimo. Tibi autem idem consilii do, quod mihi metipsi; ut vitemus oculos hominum, si linguas minus facilè possumus. Qui enim victoria se efferunt, quasi victos nos intuentur; qui autem victos esse nostros molestè ferunt, nos dolent vivere. Quæres fortassè cur, cum hæc in urbe sint, non assim, quemadmodum tu. Tu enim ipse, qui et me, et alios prudentia vincis, omnia, credo, vidisti: nihil omnino te fecellit. Quis est tam lynceus, qui in tantis tenebris nihil offendat? nusquam incurrit? Ac mihi quidè jam pridè venit in mentem, bellum esse, aliquò exire, ut ea, quæ agebantur hic, quæque dicebantur, nec viderem, nec audirem. Sed calumniabat ipse: putabam, qui obviam mihi venisset: ut cuique commodum esset, suspicaturum, aut dicturum etiam, si non suspicaretur. Hic autem metuit, et ea re fugit, aut aliquid cogitat, et habet navem paratam. Denique, levissimè qui suspicaretur, et qui fortassè me novisset optimè, putaret me idcirco discedere, quod quosdam homines oculi mei ferre non possent. Hæc ego suspicans, adhuc Romæ maneo: et tamen consuetudo diuturna callum jam obduxit stomacho meo. Habes rationem mei consilii. Tibi igitùs hæc. Censeo latendum tantispèr ibidem, dum defervescat hæc gratulatio, et simul dum audiamus, et quemadmodum negotium confectum sit: confectum enim esse existimo. Magni autem interit, qui fuerit victoris animus, qui exitus rerum. Quamquam, quò me conjectura ducat, habeo, sed expecto tamen. Te verò polo, nisi ipse rumor jam

raucus erit factus, ad Bajas veniret; erit enim nobis honestius etiam, cum hinc discesserimus, videri venisse in illa loca prolatum potius, quam natatum. Sed hæc tu melius: modò stet nobis illud, unà vivere in studiis nostris, à quibus anteà delectationem modò petebamus, nunc verò etiam salutem: non deesse, si quis adhibere volet, non modò ut architectos, verùm etiam ut fabros ad ædificandam rem publicam potius libenter accurrere: sin nemo utetur opera, tamen et scribere, et legere; et si minus in curia, atquè in foro, at in litteris, et libris, ut doctissimi veteres fecerunt, navare reipublicæ, et de morib[us], ac le- gibus, querere. Mihi hæc videntur: tu quid sis acturus, et quid tibi placeat, pergratum erit, si ad me scriperis.

ARGUMENTUM.

Scribit, se iturum ad Varronem: sed homines reprehensuros dicit, si, cum respub. sit miserrima, ipsi ab urbe absint, et in villis otio fruantur, se tamen eorum inscitiam negligere, et in studiis omnino cum Varrone victurum.

M. T. C. Vattroni S. D.

Etsi, quid scribebam, non habebam: tamen Cannio ad te eunti non potui nihil dare. Quid ergò potissimum scribam? quod velle te puto, citò me ad te esse venturum. Etsi vide, quæso, satisne rectum sit, nos, hoc tanto incendio civitatis, in istis locis esse. Dabimus sermonem iis, qui nesciunt, nobis quocumque in loco simus, eundem cultum, eundem victimum esse. Quid refert? tamen in ser-

monem incidemus. Valde id, credo, laborandum est, ne, cum omnes in omni genere et scelerum, et flagitorum volentur, nostra nobiscum, aut inter nos cessatio vituperetur. Ego vero, neglecta barbarorum inscitia, te persequar. Quamvis enim hæc sint misera, quæ sunt miserrima, tamen artes nostræ nescio quomodo nunc ubiores fructus ferre videntur, quam olim ferebant: sive quia nulla nunc in re alia acquiescimus, sive quod gravitas morbi facit, ut medicinæ egeamus, eaque nunc appareat, cuius vim non sentiebamus, cum valebamus. Sed quid ego hæc ad te, cuius domi nascuntur; nihil scilicet, nisi ut, rescribens aliiquid, me expectares. Sic igitur facies. Vale.

ARGUMENTUM.

Probat et diem, quo conventuri sunt, et Varronis, suumque consilium, quod semel à Cæsare vici ab armis discesserint.

M. T. C. Varroni S. D.

Mihi verò ad nonas benè maturum videtur fore, nequè solùm propiè rempubl. sed etiam proptèr anni tempus. Quarè diem istum probo: itaque eumdem ipse sequar. Consilii nostri, ne si eos quidèm, qui id secuti non sunt, non pœniteret, nobis pœnitendum putarem. Secuti enim sumus non spem, sed officium: reliquimus autem non officium, sed desperationem. Ità verecundiores fuimus, quam qui se domo non commoverunt: saniores, quam qui, amissis opibus, domum non reverterunt. Sed nihil minus ferò, quam severitatem otiosorum: et, quoquo modo res se habet, ma-

gis illos vereor, qui in bello occiderunt, quam hos euro, quibus non satisfacimus, quia vivimus. Mihi si spatium fuerit in Tusculanum antè nonas veniendi, istic te videbo: sin minùs, persequar in Cumanum; et antè te certiorem faciam, ut lavatio parata sit. Vale.

ARGUMENTUM.

Nuntiat Cæsaris adventum; et belli civilis causam in Pompejum potius, quam in Cæsarem confert; Varronem autem laudat, quod se ab armis ad studia, quasi à tempestate in portum contulerit.

M. T. C. Varroni S. D.

Caninius nosier me tuis verbis admonuit, ut scriberem ad te, si quid esset, quod putarem, te scire oportere. Est igitur adventus in expectatione: neque tu id ignoras. Sed tamen cum ille scripsisset, ut opinor, se in Alsiense venturum, scripserunt ad eum sui, ne id faceret: multos ei modestos fore, ipsumque multis: Ostiæ, videri commodius eum exire posse. Id ego non intelligebam: quid interesset: sed tamen Hirtius mihi dixit, et se ad eum, et Balbum, et Oppium scripsisse, ut ita faceret, homines, ut cognovi, amantes tui. Hoc ego idcirco nosse te volui, ut scires, hospitium tibi ubi parares, vel potius utrobique. Quid enim ille facturus, incertum est: et simùl ostentavi tibi, me ipsis esse familiarem, et consiliis eorum interesse. Quod ego cur nolim, nihil video: NON enim est idem ferre, si quid feredum est, et probare, si quid probandum non est. Etsi, quid non probem quidèm, nescio,

præter initia rerum. Nam hæc in voluntate fuerunt. Vide enim (nam tu aberas) nostros amicos cupere bellum, hunc autem non tam cupere, quam non timere. Ergo hæc consilii fuerunt, reliqua necessaria. Vincere autem aut hos, aut illos, necesse est. Scio te semper mecum in luctu fuisse; cum videremus, quam illud ingens malum alterutrius exercitus ex ducum interitum verò extremum malorum omnium esse civilis belli victoriam: quam quidem ego etiam illorum timebam, ad quos veneramus. Crudeliter enim otiosis minabantur: eratque iis, et tua invisa voluntas, et mea oratio. Nunc verò si essent nostri potiti, valde intemperantes fuissent: erant enim nobis perirati, quasi quidquam de nostra salute decrevissemus, quod non idem illis censuimus; aut quasi utilius reipub. fuerit eos etiam ad bestiarum auxilium confugere, quam vel mori, vel cum spe, si non optima, at aliqua tamen, vivere. At in perturbata repub. vivemus. Quis negat? sed hæc viderint ii, qui nulla inibi subsidia ad omnes vitæ status paraverunt. Huc enim ut venirem, superior longius, quam volui, fluxit oratio. Cum enim te semper magnum hominem duxi, tum quod his tempestibus es propè solus in portu, fructusque doctrinæ percipis eos, qui maximi sunt, ut ea consideres, eaque tractes, quorum et usus, et delectatio est omnibus istorum et actis, et voluptatibus anteponenda. Evidem hotius tusculanenses dies instar esse vitæ puto: libenterque, omnibus omnes opes concesserim, ut mihi liceat, vi nulla interpellante, isto modo vivere. Quod nos quoquè imitamur, ut possumus, si

in nostris studiis libertissime conqiescimus. Quis enim hoc non dederit nobis, ut cum opera nostra patria sive non possit uti, sive nolit, ad eam vitam revertamur, quam multi docti homines, fortasse non recte, sed tamen multi, etiam reip. præponendam putaverunt? Quæ igitur studia, magnorum hominum sententia, vocationem habent etiam publici muneris, iis concedente republika, cur non abutamur? Sed plus facio, quam Caninius mandavit. Is enim, si quid ego scire, rogarat, quod tu nescires: ego tibi ea narro, quæ tu melius scis, quam ipse, qui narro. Faciam ergo illud, quod rogatus sum, ut eorum, quæ temporis hujus sint, quæ tua interesse audiero, ne quid ignores. Vale.

ARGUMENTUM.

Maturum jam esse ait, ut ab urbe discedat, et de Cæsaris ex africano bello redeuntis itinere rumores quosdam nuntiat.

M. T. C. Varroni S. D.

Cœnabam apud Sejum cum utrique nostrum redditæ sunt à te litteræ. Mihi verò jam maturum videtur. Nam, quod anteā te calumniatus sum, indicabo malitiam meam. Volebam propè alicubi esse, si quid bona salutis. Nunc, quando confecta sunt omnia, dubitandum non est, quin equis viris. Nam, ut audivi de Lucio Cæsare filio, mecum ipse, *Quid hic mihi faciet patri?* Itaque non desino apud istos, qui nunc dominantur, cœnitare. Quid faciam? tempori servientum est. Sed ri-

dicula missa faciamus, præsertim cum sit nihil, quod rideamus.

Africa terribili tremit, horrida terra, tumultu.
Itaque nullum est, quod non verear. Sed quod quæris, quandò, quà, quò, nihil adhuc scimus; istuc ipsum de Baiis, nonnulli dubitant, an per Sardiniam veniant. Illud enim adhuc prædium suum non inspexit: neque illum habet deterius, sed tamen non contemnit. Ego omnino magis arbitror per Siciliam: vel jam sciemos; adventat enim Dolabella. Eum puto magistrum fore. Sed tamen, si sciam, quid tu constitueris, meum consilium accommodabo potissimum ad tuum. Quarè expecto tuas litteras. Vale.

ARGUMENTUM.

Promiserat Varro, quosdam libros se esse in Ciceronis nomine editurum; Cicero nunc admonet eum promissi, missis quasi admonitoribus quatuor libris academicis, quos Varroni dicavit.

M. T. C. Varroni S. D.

Etsi munus flagitare, quamvis quis ostenderit, ne populus quidem solet, nisi concitatus: tamen ego expectatione promissi tui moveor, ut admoneam te, non ut flagitem. Misi autem ad te quatuor admonitores, non nimis verecundos. Nostri enim profectò os ejus adolescentioris academiz. Ex ea igitur media excitatos misi: qui metuo, ne te fortè flagitent: ego autem mandavi, ut rogarent. Expectabam omnino jamdiù, meque sustinebam, ne ad te prius ipse quid scriberem, quād aliquid acceperissem; ut possem te remunerari quād

simillimo munere: sed, cum tu tardius faceres, id est (ut ego interpretor) diligenter; teneri non potui, quin conjunctionem studiorum, amorisque nostri, quo possem, litterarum genere declararem. Feci igitur sermonem inter nos habitum in Cumano, cum esset unà Pomponius. Tibi dedi partes antiochinas; quas à te probari, intellexisse mihi videbar; mihi sumpsi Philonis. Puto fore, ut, cùm legeres, mirere id nos locutos esse inter nos, quod nunquam locuti sumus: sed nosti modum dialogorum. Posthac autem, mi Varro, quamplurima, si videbitur, et de nobis, et inter nos: serò fortassè: sed superiorum temporum fortuna reip. causam sustineat: hæc ipsi præstare debeamus. Atquè utinam quietis temporibus, atquè aliquo, si non bono, at saltē certo statu civitatis, hæc intè nos studia exercere possemus. Quamquam tūm quidem vel aliae quæpiam rationes honestas nobis, et curas, et actiones darent: nunc autem quid est, sine his cur vivere velimus? mihi verò cum his ipsis vix, his autem detractis, ne vix quidem. Sed hæc coram et sèpius. Migrationem, et emptionem felicitè evenire volo, tuumque in ea re consilium probo. Cura ut valeas.

ARGUMENTUM.

Suadet Dolabella gener Ciceroni, ut aut Cæsaris partes sequatur, aut in aliquam civitatem à bello vacuam se recipiat, quod idem Cælius fecerat. Vide epist. 16. l. 8.

Dolabella M. T. C. S. D.

Si vales, gaudeo: et ipse valeo, et Tullia nostra rectè valet. Terentia minus bellè habuit: sed

certum scio, jam convalusisse eam. Præterea re-
ctissimè sunt apud te omnia. Etsi nullo tempore
in suspicionem tibi debui venire, partium causa
potius, quām tua, tibi suadere, ut te aut cum
Cæsare, nobiscum conjungeres, aut certè in otium
referres: præcipue nunc, jam inclinata victoria,
ne possim quidem in ullam aliam incidere ope-
rationem, nisi in eam, in qua scilicet tua de re ti-
bi suadere videar, quod piè tacere non possum.
Tu autem, mi Cicero, sic hæc accipies, ut, sive
probabuntur, ab optimo certè animo, ac deditis-
simo tibi et cogitata, et scripta esse judices. Ani-
madvertis Cn. Pompejum nec nominis sui, nec
rerum gestarum gloria, nec etiam regum, aut na-
tionum clientelis, quas ostentare crebro solebat,
esse tutum; et hoc etiam, quod infimo cuique
contigit, illi non posse contingere, ut honestè
effugere possit, pulso Italia, amissis Hispaniis,
capto exercitu veterano, circumvallato nunc de-
niquè: quod nescio, an ulli unquam noctro acci-
derit imperatori. Quamobrem quid aut ille spera-
re possit, aut tu, animum adverte pro tua pru-
dentia. Sic enim facillimè, quod tibi utilissimum
erit, consili capies. Illud autem à te peto, ut, si
jam ille evitaverit hoc periculum, et se abdiderit
in classem, tu tuis rebus cōsulas, et aliquando
tibi potius quām cuivis, sis amicus. Satisfactum
est jam à te vel officio, vel familiaritatibz: satis-
factum etiam partibus, et ei reipublicæ, quām tu
probabas: reliquum est, ubi nunc est respub. ibi
simus potius, quām dum illam veterem sequimur,
simus in nulla. Quarè velim, mi jucundissime Ci-
cero, si fortè Pompejus, pulsus his quoquè locis,

tursus alias regiones petere cogatur, ut tu te vel
Athenas, vel in quamvis quietam recipias civita-
tem. Quod si eris facturus, velim mihi scribas; ut
ego, si ullo modo potero, ad te advolem. Quæcum-
que de tua dignitate ab imperatore erunt impe-
tranda, qua est humanitate Cæsar, facillimum erit
ab eo tibi ipsi impetrare: et meas rāmen preces
apud eum non minimum auctoritatis habituras
puto. Erit tuæ quoquè fidei et humanitatis, cu-
rare, ut is tabellarius, quem ad te misi, reverti
possit ad me, et à te mihi litteras referat. Vale.

ARGUMENTUM.

*Quasi per jocum scribit, inter Niciam, et Vi-
dium se judicem esse constitutum, et item per jo-
cum de P. Syllæ morte quiddam scribit.*

M. T. C. Dolabellæ S. D.

Non sum ausus Salvio nostro nihil ad te litter-
arum dare: nec meherculè habebam, quid scri-
berem, nisi te à me mirabilitè amari: de quo
etiam nihil scribente me, te non dubitare certò
scio. Omnia mihi magis litteræ sunt expectandæ
à te, quām à me tibi. Nihil enim Romæ geritur,
quod té putem scire curare: nisi fortè scire vis
me intè Niciam nostrum, et Vidium, judicem
esse. Profert alter, ut opinor, duobus versiculis
expensem Nicia: alter Aristarchus hos. Ego, tam-
quām criticus antiquus, judicatus sum, utrum
sint an. Puto te nunc dicere, oblitusne es, igitur
fungorum illorum, quos apud Niciam? et ingen-
tium culinarum, cum Sophia Septimiæ? quid er-

go? tu adeò mihi excussam severitatem veterem putas, ut ne in foro quidèm reliquæ pristinæ frontis appareant? sed tamen suavissimum nostrum præstabo integellum; nec committam, ut, si ego eum condemnaro, tu restituas: ne habeat Planicus Bursa, apùd quem litteras discat. Sed quid ago? cum mihi sit incertum, tranquillo ne sis animo, an, ut bello, in aliqua majuscula cura, negotiove versere, labor longius. Cum igitur mihi erit exploratum, te libenter esse risurum, scribam ad te pluribus. Te tamen hoc scire volo, vehementer populum solicitor fuisse de P. Sylla morte, antequam certum scierit: nunc quare desierunt, quomodo perierit. Satis putant se sciœ, quod sciunt. Ego cæteroqui animo æquo fero; unum vereor, ne hasta Cæsaris refrixerit. Vale.

ARGUMENTUM.

Deplorat Tullioœ mortem: et in Dolabellœ sermonibus plurimū sibi ait solatii futurum: quamquam jam eam Dolabella dimiserat: sed fingendum erat Ciceroni temporis causa, cum Dolabella apud Cæarem dominansem gratia plurimū valeret.

M. T. C. Dolabellæ suo S. D.

Vel meo ipsius interitu mallem litteras meas desiderares, quam eo casu, quo sum gravissime affictus, quem ferrem certe moderatiō, si te haberem: nam et oratio tua prudens, et amor erga me singularis multum levaret. Sed quoniam brevi tempore, ut opinio nostra est, te sum visurus, ita me affectum offendes, ut multum à te possim jvari. Non quò ita sim fractus, ut, aut hominem

me esse, oblitus sim, aut fortunæ succumbendum putem: sed tamen hilaritas illa nostra, et suavitas, quæ te præter cæteros delectabat, erepta mihi omnis est: firmitatem tamen, et constantiam, si modò fuit aliquandò in nobis, eamdem cognosces, quam reliquisti. Quod scribis, prælia te mea causa sustinere: non tam id labore, ut, si qui mihi obtrectent, à te refutentur, quam intelligi cupio (quod certè intelligitur) me à te amari: quod ut facias, te etiam aique etiam rego, ignoscasque brevitatì mearum litterarum: nam et celeriter una futuros nos arbitror, et nondum satis confirmatus sum ad scribendum. Vale.

ARGUMENTUM.

Gratulatur Dolabellæ de Bajarum salubritate: et orationem pro Dejotaro rege ad Cæarem habitam mittit.

M. T. C. Dolabellæ S. D.

Gratulor Baiis nostris, siquidem, ut scribis, salubres repente factæ sunt: nisi fortè te amant, et tibi assentantur, et tamdiu, dum tu ades, sunt oblitæ sui: quod quidem si ita est, minimè miror, coulum etiam, et terras vim suam, si tibi ita conveniat, dimittere. Oratiunculam pro Dejotaro, quam requirebas, habebam mecum; quod non putaram: itaque eam tibi misi. Velim sic legas, ut causam tenuem, et inopem, nec scriptione magnopere dignam. Sed ego hospiti veteri, et amico munusculum mittere volui levidense, crasso filo, eujusmodi ipsius solent esse munera. Tu velim animo sapienti fortique sis, ut tua moderatio, et gravitas aliorum infamer injuriam. Vale.

T

ARGUMENTUM.

Rogat Dolabellam, ut Suberino, et Planio reditum in patriam conficiat: eosque ita excusat, ut ostendat, casu quodam, et necessitate coactos, Pompeii partes in Hispania fuisse.

M. T. C. Dolabellæ S. D.

C. Suberinus Calenus, et meus, est familiaris, et Leptæ nostri familiarissimi pernecessarius. Is, cum vitandi belli causa profectus esset in Hispaniam cum M. Varrone apud bellum, ut in ea provincia esset, in qua nemo nostrum, post Afranum superatum, bellum ullum fore putarat, incidit in ea ipsa mala, quæ summo studio vitaverat: oppressus est enim bello repentino, quod bellum commotum à Scapula, hâ postea confirmatum est à Pompejo, ut nulla ratione, se ab illa miseria eripere posset. Eadem causa ferè est M. Planii Heredis, qui est item Calenus, Leptæ nostri familiarissimus. Hosce igitur ambos sic tibi commando, ut majore cura, studio, sollicitudine animi commendare non possim. Volo ipsorum causa: meque in eo vehementer et amicitia movet, et humanitas. Lepta vero cum ita laboret, ut ejus fortunæ videantur in discrimen venire; non possum ego non aut proximè, atque ille, aut etiam æquè laborare. Quapropter, et si sè expertus sum, quantum me amares: tamen sic velim tibi persuadeas, id me in hac re maximè judicaturum. Peto igitur à te, vel, si pateris, oro, ut homines miseris, et fortuna, quam vitare nemo potest, magis, quam culpa, calamitosos, conserves incolumes; velisque, per te

LIBER IX.

mē hoc muneric cùm ipsis amicis hominibus, tūm municipio Caleno, quicunq; mihi magna necessitudo est, tūm Leptæ, quē omnibus antepono, dare. Quod dicturus sum, puto equidē non valdè ad rem pertinere, sed tamen nihil obest dicere: res familiaris alteri eorum valdè exigua est, alteri vix equestris. Quapropter quandò his Cæsar vitam sua liberalitate concessit; nec est, quod iis præterea magnopèrè possit adimi; redditum, si me tantum amas, quantum certè amas, hominibus confice; in quo nihil est præter viam longam: quād idcirco non fugiunt, ut et vivant cum suis, et moriantur domi: quod tu entare, contendasque; vel potius, ut perficias, (posse enim te mihi persuasi) vehementer te etiam, atque etiam rogo. Vale.

ARGUMENTUM.

Dolabellam laudibus extolit, quia columnam in foro Cæsari, quasi Deo, ereptam, everterat. Vide lib. 14. ad Atticum, et Lactantium, lib. 1. cap. 15.

M. T. C. Dolabellæ Cos. S. D.

Etsi contentus eram, mi Dolabella, tua gloria; satisque ex ea magnam lætitiam, voluptatemque capiebam: tamen non possum non confiteri, cumulari me maximo gaudio, quod vulgo hominum opinio socium me adscribat tuis laudibus. Neminem conveni, (convenio autem quotidè plurimos; sunt enim permulti optimi viri, qui valetudinis causa in hæc loca convenient). Præterea ex municipiis frequentes necessarii mei) quin omnes, cum te summis laudibus ad cœlum extulerunt, mihi continuò maximas gratias agant. Negant enim, se

dubitare, quin tu meis præceptis, et consiliis obtemperans, præstantissimum te cívem, et singularem consulem præbeas. Quibus ego, quamquam verissimè possum respondere, te quæ facias, tuo judicio, et tua sponte facere, nec cujusquam egerre consilio: tamen neque planè assentior, ne immiuam tuam laudem, si omnis à meis consiliis profecta videatur: neque valde nego, sum enim avidior etiam, quam satis est, gloriæ. Est tamen non alienum à dignitate tua, quod ipsi Agamemnoni, regum regi, fuit honestum, habere aliquem in consiliis capiundis Nestorem: mihi vero gloriosum, te juvenem consulem florere laudibus, quasi alumnū disciplinæ meæ. L. quidem Cæsar, cum ad eum ægrotum Neapolim venissem, quamquam erat oppressus totius corporis doloribus, tamen antequam me planè salutavit. O mi Cicero, inquit, gratulor tibi, cum tantum vales apud Dolabellam, quantum si ego apud sororis filium valerem, jam salvi esse possemus. Dalabellæ vero tuo et gratulor, et gratias ago: quem quidem, poste consulem solum possumus verè consulem dicere: deinde multa de facto, ac de te gesta: tum nihil magnificientius, nihil præclatius actum unquam; nihil reipub. salutarius: atque hæc una vox omnium est. A te autem peto, ut me hanc quasi falsam hæreditatem alienæ gloriæ sinas cernere, meque aliqua ex parte in societatem tuarum laudum venire patiare: quamquam mi Dolabella (hæc enim jocatus sum), libentiū omnes meas, si modo sunt aliquæ meæ laudes, ad te transfuderim, quam aliquam partem exhauserim ex tuis. Nam cum te semper tantum dilexerim, quantum tu intelligere

potuisti: tum his tuis factis sic incensus sum, ut nihil unquam in amore fuerit ardenter. NIHIL est enim (mihi crede) virtute formosius, nihil pulchrius, nihil amabilius. Sempè amavi, ut scis, M. Brutum, propriè ejus summum ingenium, supervisimos mores, singularem probitatem, atque constantiam: tamen Idibus Mart. tantum accessit ad amorem, ut mirarer locum fuisse angendi in eo, quod mihi jam pridè cumulatum esse videbatur. Quis erat, qui putaret ad eum amorem, quem erga te habebam, posse aliquid accedere? tantum accessit, ut mihi nunc denique amare videar, antea dilexisse. Quare, quid est, quod ego te horter, ut dignitati, et gloriæ servias? proponam tibi claros viros; quod facere solent, qui hortantur? neminem habeo clariorem, quam te ipsum. Te imitare oportet, tecum ipse certes. Nec licet quidem tibi jam, tantis rebus gestis, non tui similem esse: quod cum ita sit, hortatio non est necessaria; gratulatione magis utendum est. Contigit enim tibi: quod haud scio an nemini, ut summa severitas animadversionis non modò non invidiosa, sed etiam popularis esset, et cum bonis omnibus, tum infimo cuique gratissima. Hoc si tibi fortuna quadam contigisset, gratularer felicitati tua: sed contigit magnitudine tum animi, tum etiam ingenii, atque consilii: legi enim concionem tuam, nihil illa sapientius. Ita pedentium, et gradatim tum accessus à te ad causam facti, tum recessus, ut res ipsa maturitatem tibi animadverteret, omnium concessu daret. Liberasti igitur et urbem periculo, et civitatem meru: neque solùm ad tempus maximam utilitatem attulisti, sed etiam ad e-

xemplum: quo facto intelligere debes, in te repositam esse rempub. tibique non modò tuendos, sed etiam ornandos esse illos viros, à quibus initium libertatis profectum est. Sed his de rebus corām plura propediē, ut spero. Tu, quoniam rempub, nosque conservas: fac, ut diligentissimè te ipsum, mi Dolabella, custodias. Vale.

ARGUMENTUM.

Duabus Pæti epistolis respondet, priori, jure se ejus valetudine perturbatum, cuius et amorem in se et ingenii festivitatem plurimi faciat; posteriori, nihil referre, utrum Romæ sit, an Neopoli, cum Romæ unius nati regantur omnia: itaque se manere in sententia de domo Neopoli emenda.

M. T. C. Papirio Pæto S. D.

Duabus tuis epistolis respondebo: uni, quam triduō antè acceperam à Zetho; alteri, quam attulerat Phileros tabellarius. Ex prioribus tuis litteris intellexi, pergratam tibi esse curam meam valetudinis tuæ: quām tibi perspectam esse gaudeo, sed, mihi crede, non perindè, ut est reapse, ex litteris perspicere potuisti. Nam cum à satis multis (non enim possum aliter dicere) et coli me videam, et diligi; nemo est illorum omnium mihi te jucundior. Nam quōd me amas, quod id et jam pridē, et constanter facis, est id quidēm magnum, atque haūd scio, an maximum, sed tibi commune cum multis: quōd tu ipse tām amandus es, tāmque dulcis, tāmque in omni genere jucundus, id est proprie tuum. Accedunt non attīci, sed salsiores, quām illi atticorum, romani

veteres, atque urbani sales. Ego autem (existimes licet quod lubet) mirificè capior facetiis, maximè nostratibus, præsentim cum eas videam primūm oblitas Latii, tām cum in urbem nostram est infusa peregrinitas: nunc verò etiam brachatis, et transalpinis nationibus, ut nullum veteris leporis vestigium appareat. Itaque, te cum video, omnes mihi Granios, omnes Lucilios (verè ut dicam) Crassos quoquè, et Lælios videre video: moriar, si præter te quemquam reliquum habeo, in quo possim imaginem antiquæ, et vernaculæ festivitatis agnoscere. Ad hos lepores cum amor erga me tantus accedit, miraris, me tanta perturbatione valetudinis tuæ tām graviter exanimatum fuisse? Quod autem altera epistola purgas te non dissuasorem mihi emptionis Neapolitanæ fuisse, sed auctorem commorationis urbanæ; neque ego aliter accepi: intellexi tamen idem, quod his intelligo litteris, non existimasse te; mihi licere, id, quod ego arbitrabar, res has non omnino quidēm, sed magnam partem relinquere. Catulum mihi narras, et illa tempora: quid simile? ne mihi quidēm ipsi tunc placebat, diutius abesse ab reip. custodia. Sedebamus enim in puppi, clavumque tenebamus: nunc autem vix est in sentina locus. An minus multa S. C. futura putas, si ego sim Neopoli? Romæ cum sum, et urgeo forum, S. C. scribuntur apud amatorem tuum, familiarēm meum! Et quidēm, cum in mentem venit, ponor ad scribendum: et antè audio S. C. in Armeniam, et Syriam esse perlatum, quōd in meam sententiam factum esse dicatur, quām omnino mentionem ullam de ea re esse factam. Atque hōc nolim me jocari putas. Nam